





第一二三四冊

四庫全書

●上海古籍出版社

本冊目次

給事	劉左史	竹隱畸士	眉山詩	眉山文	洪龜父	跨龍	忠愍	附	忠肅
集	集	集	集	集	集	集	集	錄	集

宋劉安上撰……………一	宋劉安節撰……………五七	宋趙鼎臣撰……………一三	宋唐庚撰……………二七一	宋洪朋撰……………三九五	宋李新撰……………四二一	宋李若水撰……………六五七	宋傅察撰 傅伯壽編……………六九五
-------------	--------------	--------------	--------------	--------------	--------------	---------------	----------------------

欽定四庫全書

集部

給事集目錄
卷二

欽定四庫全書

集部三

給事集目錄

別集類二宋

卷一

詩

彈事

奏議

劄子

卷二

欽定四庫全書

給事集
目錄

外制

卷三

表

啟

卷四

策問

記

墓銘

詳校官庶吉士臣陳若霖

侍讀臣孫球覆勘

覆校官中書臣宋 銘

校對官中書臣潘英雋

膳鮮監生臣胡 澄

頌

銘

偈

祝文

祭文

卷五

經義

附錄

欽定四庫全書

給事集

三

臣等謹按給事集五卷宋劉安上撰安上字

元禮永嘉人紹聖四年進士丙科由錢塘尉

歷擢殿中侍御史疏劾蔡京不報乃與石公

弼等廷論之以劾京之故浮沈外郡者十六

年晚以知舒州乞祠得提舉鴻慶宮靖康元

年致仕建炎二年卒於家其平生風節甚著

蓋亦伉直之士據薛嘉言作安上行狀稱其

有詩五百首制誥雜文三十卷篇帙頗富然

焦竑國史經籍志載劉安上集實止五卷與

此本相合蓋兵燬之餘後人掇拾而成非其

原本矣至宋史藝文志載安上文集作四卷

又與此互異則當由刊本訛五為四耳其集

自明以來流傳甚尠朱彝尊自潁州劉體仁

家借抄僅得其半後得福建林佶抄本始足

成之其詩醞釀未深而格意在中晚唐間頗

見風致文筆亦修潔自好無粗獷拉雜之習

欽定四庫全書

給事集

三

蓋不惟其人足重即文章亦殊可觀也乾隆

四十一年十二月恭校上

總纂官臣紀昀臣陸錫熊臣孫士毅

總校官臣陸費曄

欽定四庫全書

給事集卷一

宋 劉安上 撰

詩

五言

方潭殿蔡示子姪

舊菴在山頂去此五里餘創謀自吾祖遷就今所居住時僧不多約且完室廡至于五十載風雨荒榛蕪先人樂溪山每到常躊躇深憐棟宇整締構新是圖鑿岩闢

欽定四庫全書

給事集卷一

幽徑開門挹清虛高堂闊且深三山列庭隅或禪或教律濟濟踰衣裾先塋舊所卜乃在西南隅松筠老且茂雲氣時卷舒政和甲午歲子解壽春符寬恩得真祠展省來郊墟清酌奠墓隧詰軸焚金朱報効未云訖涕泗徒漣如竭來就堂宇會飲族屬俱夜深燈火明山靜竹栢踈翻思昔日營似為今所須先人篤好善雅志在詩書于公有隆德高大其門閭廡謂名升卿其後果不誣嗟予忝厥修覆敗良可虞作詩以自警其無迷厥初

歲寒亭

茲亭予所作再到異疇昔江梅老半枯檜栢春逾碧易名為歲寒表此蒼翠色森然一徑幽步屨時取適

清漣亭泛舟

高樹環清池波平春正綠移舟近南岸倒影見華屋危梁屬修徑幽思生遠目更登狎鷗亭可以忘寵辱

西齋雜詠六首

葵花

欽定四庫全書

給事集卷一

物性不可奪葵藿傾太陽為臣茲取節萬古有餘芳

檜

蔚蔚傲霜葉亭亭綠池畔莫言盈尺材要是凌雲幹

竹

繁枝喜刪除勁節見獨立灌漑未踰浹新筍已戢戢

冬青

得名固不誣對植近庭廡葉落帶寒烟花繁泣微雨

菊

移根近軒墀不使衆草沒會見黃金英泛我盃中物

石斛

鑿石空其中貯水凡幾斛淵渟或可鑿重子慎毋觸

萬田道中

水濶疑無路雲深僅有山兒童划小艇出沒稻塍間

方潭

飯飽雲岩粟茶甘碧澗泉我來無一事危坐聽山蟬

花陂鎮二首

欽定四庫全書

卷一

三

下蔡嬉遊地春風萬杏繁誰家堪繫馬青壁竹籬門

花陂誰名鎮梅粧自古傳家家小兒女滿額點花鈿

長溪建善寺四首

繡谷堂

山谷誰能繡華堂得此名春風無轍迹紅紫自敷榮

龍湫亭

亭中一盃水澄泓如有容不因求得雨那信有神龍

燕庵

已涉艱危地方能處燕安人間不可忽須向靜中看

白蓮堂

瀟灑獻公房幽深古道旁山形半環小池面一奩方

仙岩庄

山勢從東轉河流自北來地幽饒水竹山迥少塵埃城郭居何遠舟船暮可回此中棲息穩懷抱一時開

重九宴集天柱間

院園逢重九登臨搖落天盍簪追往事吹帽念前賢入

欽定四庫全書

卷一

四

眼吳更紫開觴鄧菊鮮五雲亭最好爭奈近靈仙

和胡子文遊山寺值雨

偷閑出城府聊以洗塵心自得林泉趣何妨雨霧深野

亭連竹色古寺想潮音幸接高人論清風滿素襟

憶鷓鴣

鷓鴣知何許南園春水多稻梁隨分有烟雨想無他世上貪毛羽湖邊足網羅池塘棲息穩慎勿厭風波

又

幸有春池濶雙雙戲晚暉庭閑宜對立翅短莫高飛
賊已聞熄主人行且歸相將菱荷畔看汝浴紅衣

獨遊竹閣

極目盡天際風煙香靄間水光清淺日野色遠連山
白鹿今何在高僧此獨閑我今無伴侶乘興一躋攀

宿方潭

山中何所有一味靜難名暗谷流泉響疎林落葉聲
夜深月白霜重曉鐘清早出松間路衣表空翠凝

欽定四庫全書

卷一

五

贈釋達夫

雲房依古城間靜戶常扁苦行人難及高吟鬼亦聽
望餘秋水遠定起暮山青世諦都無念逢人自說經

和少伊同左經臣湖上作

共訪招提去輕舟漾曉風水光雲影裏山色酒樽中
邇戍今休卒吾生免轉蓬茲遊昔不與猶喜一篇同

小飲

南窻閑徙倚風露已秋深夜色無涼至浮雲帶日陰池

荷欺碧玉雛菊暗黃金時序將道盡翻驚壯士心

茶院紫翠閣

小閣面空濶下臨寒水清前山掛錦繡日落轉分明
沙際小舟遠雲間歸翅輕我來看不厭佇立獨含情

七言

便齋

芙蓉已過菊花殘獨有松筠耐歲寒一榻蕭然無箇事
獨看紅日上欄干

欽定四庫全書

卷一

六

登煉丹山三絕句

攀援絕壁上高峯下瞰塵寰杳靄中未飲刀圭跨鶴
已如身世脫樊籠

神仙已往遺基在丹井淒清絕點埃歸去漏殘初睡醒
恍疑身到洞天來

犀峯聳拔更回環鶴駕分明縹緲間金鼎丹成人不見
但畱名字鎮空山

德瑩梅軒月下小酌

踈影橫斜落酒樽誰知寒月上梅軒昔年山相棲真地
我亦全家寄此村

宿棲林三首

誰知蹤跡到桐山賴有禪僧數往還溪路水深行未得
小窻幽閣總躋攀

回首江鄉路渺瀰雨天行色倍遲遲最憐山寺留連日
恰是清明禁火時

征鞍終日雨霏霏投宿棲林旋煥衣天意似憐行客倦

欽定四庫全書

餘事集

七

放將紅日出岩扉

建善卽事三首

繡嶺峯高棟晚空雨餘烟霧淡朦朧瓊枝細葉知多少

最愛團欒竹一叢

春歸枝上餘花少轉午濃陰落滿蹊何事黃鸝語音好

怨慙飛傍粉牆啼

籊龍亭下知誰種旋見新篁破綠苔到此不知纔九日

抽梢今已過牆來

玄沙二首

軒窻高下傍岩隈花木層層取次栽誰道山深春色晚
等閑桃李已齊開

飛山髣髴如天竺環合峯密一徑通何日再來亭上宿
靜聽猿呌月明中

大中西庵

借得西庵不似庵宛如蝸舍佳城南晚來一盞亮功酒
更薦棲林八寸柑

欽定四庫全書

餘事集

八

硤石相對有項羽廟

乘閑驅馬向高原楚漢遺基尚宛然堪憐項羽成何事
占得淮邊屋數椽

江村漁舍

江邊茅屋被風掀雨打踈窻夜不眠催喚兒童五更起
重添纜繫繫漁船

晚步

秋半凄然客思清杖藜何處暢幽情晚天風雨莓苔滑

閑傍欄干取次行

出局紀懷

國爾忘家之所先如何交構競爭權霜臺白簡真可畏
一日五公俱左遷

蠟梅

雙成送我蠟梅花夜靜幽香自一家疑是素娥來月下
淡黃衣袂紫雲車

宿桐城驛二首

欽定四庫全書

詩集

九

大農遺愛在桐川血食於今幾百年應想歲豐秋賽日
送迎歌舞獨喧闐

桐溪古驛聞來久我到梅黃雨細時砌下流泉無復有
空餘松栢覆蒼垂

即事

江烟淡淡日落後山雨纖纖潮上初黃鸝引雛過林杪
群鷄就食喧階除

澄源堂落梅如茵

落英回旋雪飛餘誰向庭中細細鋪借與翠娥相應舞
絕勝西蜀錦纏旒

甘露亭

涵碧軒前甘露亭暑天涼夕此閑行琅玕一畝森如玉
影入池心徹底清

安豐道中二首

陂渠積水與田通髮髻江鄉意趣同引起三吳耕釣興
小舟來往藕花中

欽定四庫全書

詩集

十

水斛安排鏡面平菰蒲初種已齊生晚來雨過浮萍少
看見魚兒作隊行

舒州西門送客亭

拂雲亭外竹千竿靜聽清聲憂玉寒却憶謝公岩下路
水風涼處戰檀欒

友人新居

門向平湖靜處開餘山色入簾來連雲競秀千岩竹
隔水飄香一徑梅觀裏紫芝元不老柱頭玄鶴幾時回

此峯信是神仙窟子，吾吹簫有舊臺。

登謝公樓分韻得心字

高峙危樓壓翠岑，登臨遙想昔賢心。人隨歲月有興廢，名逐江山無古今。殘日汀邊生晚思，斷雲簾外捲晴陰。清風凜凜今何在，芳草池塘恨獨深。

即事

未尋南郭舊生涯，且向淮壩太守家。西園學裁陶令菊，後園時種卽平瓜。民淳訟少看空園，吏散庭空聽報衙。更得歲豐多樂事，官遊誰復問年華。

欽定四庫全書

卷一 詩集

十二

寄叔靜

頻年京闕暗胡塵，竊發桐廬更駭聞。食盡大羊還自斃，火炎螻蟻却須焚。中原已有汾陽將，二浙誰驅下潁軍。州郡雖嚴防守計，可將知畧佐忠勤。

和左經臣見過

為愛端居上郡章，里閭何幸得徜徉。買田郭外春耕早，築室湖濱野趣長。且把舊書遮病眼，了無塵事擾中腸。

故人訪我留佳句，應笑年來兩鬢蒼。

荆溪有懷

自從南郭得三椽，怕趁荆溪半夜船。每望白雲驚歲月，空將清夢遶林泉。雖因追遠時來此，又見登高意慘然。極目不知多少恨，一聲孤雁夕陽天。

聖泉

聞道東山有聖泉，杖藜侵曉到山前。泓寒玉流無盡萬頃良田，大有年。茶鼎晚煎雲脚嫩，齋廚夜引瀑聲圓。我來一酌磁甌去，終日餘甘齒頰邊。

欽定四庫全書

卷一 詩集

十二

四月一日壽陽樓遇雨

黑雲瀟瀟自西來，佇立危樓亦壯哉。遠壑烟生千里雨，寒潭龍起數聲雷。田疇坐看還豐歲，里巷遙欣弭旱災。慙愧外官逃吏責，歸鞍何憚踏泥回。

和馮中丞中秋夜月

捲盡浮雲見碧虛，初傳更漏滴銅壺。入秋爽氣迥然別，此處冰輪何處無。共想姮娥依桂魄，獨憐飛鵲遠庭梧。

西園飲散歸來早不用紅紗照路隅

又和十六夜月

雲頭依舊尚團圓未覺清光有兩般自是人心重佳節
故將今夕不同看望中銀漢祇如昨坐久園亭又更寒
莫把盈虧妄分別一盃到手且須乾

彈事

論蔡京

臣聞惟辟作福惟辟作威臣而有作福作威則凶于而
欽定四庫全書

論事集

十三

家害于而國矣今負台衡之重而虧享上之忠扶震主
之威乃貪天功以為己有履霜堅冰其可不早計而預
圖哉臣昨者列班面奏宰臣蔡京罪狀數十條冒瀆宸
聽未賜施行尚鬱公論京位極寵威猶不知止弟子姻
婭悉居要塗朋比奸邪布滿中外勢焰熏灼不可嚮邇
內而庭掖小臣必其識拔以伺察陛下之動作外而藩
維兵帥必其薦引以默制陛下之肘腋附已者榮進離
已者退黜使天下皆知威福出于宰相之私門而不知

有朝廷之命令况海宇綏靜初無間隙京納叛啟仇邀
功生事黨結兵連天怒人怨迹其奸回雖擢髮不足以
數累起大獄陷及無辜株連旁逮煽惑國本幸賴聖明
不使滋蔓京今惡貫已盈奸狀其露欲望處斷奮發乾
剛大正典刑亟加斥逐以肅臣隣以福宗社幸甚

再論蔡京

臣疎遠小臣蒙陛下簡拔擢置風憲義當捐軀以圖報
稱今虺蛇當道蔓草日滋倘不力勦而痛焚寧不大違
欽定四庫全書

論事集

十四

國是有負陛下之使令乎臣累疏論列宰臣蔡京權重
位危罪大惡極雖蒙俞允未即顯誅以孚天人之心以
慰夷夏之望臣不避再三之責披瀝血誠仰干天聽三
省事務必繇聖斷京不候奏擬徑行批下擅作威福鋒
不可撓此京之罪一也京輔陛下紹述首奉憲章文昌
舊省乃先帝睿畫京惑于陰陽之說一毀為墟此而可
忍孰不可忍此京之罪二也謀動邊釁舉師黔南妄言
開拓疆土悉掩以為己功邊陲彫耗民不聊生此京之

罪三也錢鈔本自流通京乃朝行夕改高販不行棄妻

鬻子或致自經而斃民吾赤子何忍重困之此京之罪

四也國家名罷京乃盜以市恩汲引凶姦少年結為死

黨此京之罪五也興株連之獄必羅織以成之掩衆正

而盡誅冀以鉗天下之異議此京之罪六也腫傳賜第

京乃摘其語涉諷已者編廢二十餘人此京之罪七也

交結宮閹私通近習京賴此曹以為耳目公肆誕謾若

掩日月而蔽之此京之罪八也託祝聖以營臨平之私

欽定四庫全書

論事集

十五

域假利民以決興化之讖水此京之罪九也孟朔獻易而

京與之官卒以姦妖而敗張懷素為京之密友終以惡

逆而誅此京之罪十也凡此十罪皆冒重辟况積惡稔

姦未容一一殫述豈得偃然于具瞻之上哉雖陛下體

貌大臣保全終始未賜誅寬其如縉紳惶惑生民嗷嗷

陛下豈得忘宵旰之憂而不為社稷無窮之慮也臣愚

欲望陛下檢會臣前後所奏斷自聖心亟加寬宥臣螻

蟻至微倘一言有補于萬分雖斬臣頭以謝蔡京斬京

頭以謝天下臣死之日猶生之年

論蔡密

臣近累論前給事中蔡密罪惡顯著伏蒙聖慈開納罷
密職任俾領宮祠然尚帶提舉叨綴從班士論喧然未
以為允臣職當彈糾宜思報補不敢默然臣竊惟延閣
之職本以旌寵才學文行之士琳宮之任本以優假勤
勞王家建立事功之人密市井賈販之徒未嘗學問字
多不識每上章疏取笑縉紳則何嘗有學交結豪民以

欽定四庫全書

論事集

十六

規厚利于求進用形于簡牘無異于登龍斷而鑽穴隙

者則何嘗有行起自布衣驟躋禁塗從容瑣闥僥冒寵

祿則何嘗有勞居論思之地曾無小補唯以道家吐納

為說則何嘗有功臣以為延閣華資真祠逸任皆非密

所宜處陛下雖優容而公議未厭何可得也况密妄自

尊大上輕君父侍立瞋目不恭之罪莫大于此義難寬

貸若尚留京師臣恐招權怙勢陰計邪謀密侵國論有

害治體此有識者之所深憂陛下所宜留神詳察者也

伏望睿斷降出前後章奏誣害之罪重行黜責以協公議

奏議

論堂除

臣伏見元豐中內外舉官立為選格付之有司搜括差注勞績居先孤寒獲進方是時人心悅服升黜無辭以天子成法守在有司而人無倖進近日堂除差遣比之舊制下侵吏部員闕甚多銓曹艱于注擬平進實多滯

欽定四庫全書

卷一

論事

十七

淹至如縣令改官必兩經作縣宣勞既久檢身無過僅得闕陞通判及至到部本等差遣無由注授復又作縣有實歷通判合闕陞知州又復作通判名為闕陞其實暗落資任臣恐非所以慰首公之吏憫年勞之臣也銓曹既艱往往習為奔競干請權貴得無耻有位者因得驚權私其好惡更相請託紊亂官常啟倖曲之私扇澆浮之風莫此為甚蓋差遣既收之堂除則銓曹之路必狹銓曹之路既狹則請謁之門必熾臣愚欲望陛下

特賜詳酌內外官堂除有可罷者宜歸于吏部而復用元豐選格有司一以法式從事則公正之塗開于請之風絕其于聖化誠非小補

劄子

辭免除中書舍人

準尚書省劄子除臣中書舍人令乘遞馬發來赴闕者聞命震驚聞知所措竊以代言之職選任惟艱不專潤色訓辭蓋亦與聞幾政自非宿望曷可冒居伏念臣稟

欽定四庫全書

卷一

論事

十八

性迂踈謬蒙簡擢躡居憲府進陟諫垣每圖報稱終誓捐糜職在糾彈身不顧卹雖牽和之交構賴上聖之照臨臣適值內艱痛纏風木分甘遠屏跡寄卽樊俄奉除書俾司詞掖自量固陋將曠敗之是虞况積愆尤必煩言之交至兼臣自懼憂患無望生全免喪方新宿疚間作若冒榮寵必速顛躋欲控愚衷仰干聰聽伏望聖慈特降睿旨收還渙號俾臣少安愚分實出天地大造

乞外任

輒滛懇誠上千天聽退量僭冒俯俟嚴誅伏念臣猥以
非才誤蒙獎用擢司憲府思罄愚忠迨長諫垣益增罪
戾旋銜憂而去國宜擯棄于明時忽拜除書伴領掖垣
之命曾考勞效更升瑣闥之嚴念與世而多違每自慙
于無補蓋緣臣昨罹憂患以來心氣衰耗稍加思慮輒
復昏憤方陛下循名責實勵精庶政之時竊恐有誤任
使亦必洊被人言兼臣自初改官不歷州縣民事素不
諳習伏望俯加憐憫除臣一外任差遣庶幾完養之餘

欽定四庫全書

給事集
卷一

十九

稍更事任誓圖康捐少荅恩思

給事集卷一

欽定四庫全書

給事集卷二

宋 劉安上 撰

外制

顯謨閣直學士知青州梁子野知定州

中山巨屏控制朔陲維時藩宣必資夙望具官某智謀
宏遠風力敏強曩膺簡求往鎮青社治譽之美達于予
聞北道要藩謀帥尤慎選于邇列今曰汝宜爾其拊綏
兵民布宣詔令體予德意益壯遠猷

欽定四庫全書

給事集
卷二

一

顯謨閣待制知兗州郭照知青州

朕視天下如一家視吾民如赤子豈以近而忘遠哉春
茲青社昔號全齊地富以衍俗勳而強非得惠慈之長
昌任牧養之寄具官某嘗以愷悌鎮魯郊以風績達朕
聽聯職西清尹茲東土對揚明命益邁遠猷

朝奉大夫閔卨顯除宗正少卿

司宗亞卿實掌屬籍惟時俊彥乃稱簡求爾曩以才揚
更歷茲任忠信篤厚發聞惟休休恤去朝既終禮制俾

還舊職允協師言爾其辨昭穆之親疎奠世系之遠近
博叙訓迪咸得其宜則予汝嘉嗣有褒陟

改瑕邱伯叔仲會為寧陽伯重邱伯公西與如
為北鄉伯

先生書冊琴瑟在前猶戒勿越示有尊也夫子道為百
世師今從祀弟子封爵之地乃斥其名于爾安乎爰命
討論悉加改訂以稱朕尊仰之意

德州團練使提舉醴泉觀騎馬都尉石端禮為

欽定四庫全書

卷二

復州防禦使

朕于攀附之臣雖不以愛暱而遂廢吾法亦不以私嫌
而不錄其功具官某不事綺紈深尚儒素蚤緣推擇祇
奉禁嚴備殫夙夜之勤寢歷歲月之久宜繇團結進陟
兵防往服異恩勿忘報稱

資政殿學士知大名府梁子美為資政殿大學

士知太原府

并汾巨屏西北要衝式圖師帥之良宜得股肱之舊俾

膺間寄爰錫贊嘉具官某操履端方材猷宏博入參九
政屢聞獻納之忠出殿大邦彌著循良之效勤勞中外
朕所眷知茲陞秘殿之隆名改付晉陽之重鎮惟紀律
嚴則可以護諸將惟威惠著則可以懷遠人益圖爾庸
以永終譽

樞密都承旨曹瑋提舉崇福宮

朕昭明國憲屏出邦朋惟仲威罰之行永示傾抑之戒
宣容餘黨尚弗師言具官某紈綺小臣趨操猥下頃緣

欽定四庫全書

卷二

三

勲闕冒列華途有輕視君父之心有規壞國體之意比
巨璫之斥逐乃平日之締交尚稽明刑輒與異議肆騰
稱譽之語實懷怨懟之私動搖輿情鼓惑朝論彈章交
上詭迹悉彰雖朕欲容公議不可其解樞廷之屬尚仍
真館之司內訟厥愆服我明訓

曹調罷大理卿提舉鴻慶宮任良弼罷大理少

卿知密州將苻罷大理少卿知耀州

廷尉天下之平也昔我神考重正治官議獄斷刑悉歸